

玉茗堂全集

王荅堂全集

臨川義仍湯顯祖著

詩

五言古

穆天子

穆王駕白鹿西飲樂人泉盛姬誰家子婉戀隨  
周旋朔風吹羽獵重臺障嬋娟盛姬忽告病天

詩

二卷

予益悲憐寒漿渴莫飲虛此進壺輜迴望樂池  
南哀響震窮天百物在明器千官虞夜筵流星  
日月旗鏜鼓送行廟所次卽傷心爲語輒流漣  
穆王雖老荒盛姬殊少年如何西王母白首佇  
雲煙西宮負殿無死東歸難自仙君看饁師伎徒  
言膠漆堅

戚夫人

寶劍決雲氣零蔓亦何常不見沛亭長一朝爲  
漢皇昔從呂公女今奏後宮倡中有戚夫人時  
時陪曲房折腰步天裊翹袖頓飛揚出塞復入  
塞望歸心自傷後宮齊高唱哀響入雲翔終日  
不能言倚瑟涕何長心知萬歲後誰能憐趙王  
千秋銅雀臺婉戀爲分香

秋夕

詩

亂螢飄熠熠蟋蟀悲何急納納羅衣裳冉冉淒  
風入獨坐渺無言自起闌干立

湯考功招遊燕子磯別洞獨宿圓愛師房  
六十韻

青春白日遲沉陰物色遽黯淡青華姿冷薄芳  
時趨清齋饒稚卿出壑懷謝傳莽蒼誠自喜漸  
車非可屨愁看雲物沈喜見荃蘭豎遠遊那得

期近棕差足御月夕乍披朗花朝擬容與茂苑  
吾宗秀眷言賞心晤文樽一二好簡書三四寓  
幸不懸長雨且復晞流露差池遶西廡曉靄遶  
東署蟲蟲臺城門灩灩明湖路萋楊流宿鶯華  
萍起窺鷺始知春氣深及此佳期赴精廬且朝  
食主人出延步寒暄三舉爵圓方一投箸分金  
飽騎從更衣渴馳鶩先驅流食架後程需臥具

暄飈卷幃入陰煙承葢度蒼疇地脉起白水雲  
光布微麥洒陵阡疎梅映村聚時聞雉清叫忽  
見鳬驚翥青江信明遠層城真筭固市撻鮫人  
泣磯臨燕子嗉葩華鳥瀾蹠澹沲崖光注磐石  
似龜鼉舟船如鴈鷺春波正流美晝風颭起惡  
且入閩陽洞相趨折蘆渡峽寫有根雲罅拆無  
枝樹落礫分委積崩湍轉流輸地葢挿箕踵天

標眩環顧時時席礪魄往往屨沮洳殿空引一  
寶盤渦有三處初行地響咽再入天光吐後房  
竟幽燠久坐若清曙響像層潭府密歷潛達附  
鏤鏤費鬼力窟宅出人遇常恐風波入閃爍蛟  
龍踞通明暫揮酌愁陰且言去亭臯靡芳築津  
石流檀度不見銖衣拂但聞金策駐昔物豈今  
存今人非昔豫芳遊難可歸官方各隨務單已



動禪悅初心愜遲暮畫閣諸天杪白路恒沙數  
背崖捫削成蹠虛倚懸柱剡剡人上慄莫莫神  
傾護深心蕩霞日遠氣冥煙霧鳴榔厲似織擾  
翰歸如呼燃燈下山闕談經開釋部好相坐生  
老勝韻遊新故凡夫偶問疾智者寧深怙林吹  
稍流楚白月延心素中時飯色遠永夜香心炷  
如經四遊歎初深一宿悟臥聽風潮翻起看蒼

莽互日出陰光隱花開世界露昨遊旣陳迹今  
居豈常住心清卽事遠善勝由人助寄語賞音  
流圓還續芳緒

定安五勝詩

有序

敬觀縹緲錄大宗伯王公僊居瓊海定安山水  
奧麗鴻清條爲五勝頗爲咏思其雖性晦天  
海神懸仁智至如幽探闕采常爲欣言不覺

忘其滓懷永彼高躅云爾

五指山

遙遙五指峰巘絕朱崖右飛聳明光輪嵌空巨  
靈手疊嶠開辰已修纖露中酉天霄煙霧中海  
氣晴明後一峰時出雲四州紛矯首主人定安  
秀肅崑鑿靈牖嵐翠古森洒揮弄亦已久方從  
吳會間誰離離星斗

彩筆峰

五指發高華地脉凌飛遶建江  
輝藻筆竑峰竇  
竒矯突嶂抵層雲  
銛巒撥飛鳥葱龍石笋大刻  
削蓮峰小翰林爲主人含毫相  
緬緲懸知東壁  
夜直挂南雲曉時時几研間  
倒影來青嶠何來  
玉字書崑崙映華表

金鷄岫

綵筆凌峰雲清溪隱崖嘯離爲朱鳥方翼得金  
鷄妙崢嶸冠雲石歲蕤被林峭非止金華鮮傳  
聞昔光耀遠氣星潮引近色瞰霞照送此翰林  
人撫翼天門召羈棲漢祠影未振秦川叫暫此  
鷄籠山憑虛舒聽眺

馬鞍峴

五指的南溟一指播東境佳氣若駿奔奇石相

頃領遠飲朱崖津高折騎田嶺精靈常五色權  
奇非一景中有最懸石知人踞鞍騁秦鑿餘鳥  
龍漢祠餘金影峴口發精奇噴玉煙華整白雲  
起鞍中天門路方永

青橋水

海中有雲宅四望千迴溪偃宛丹石橋綽約青  
雲梯西暉灌文馬東影明金鷄地脉素流美風

物并縈隄綠石碎雲日青苔沒鳬鷺春橋宜笑  
語煙水足遊樓遠夢滄浪清憺言芳草萋朱門  
若江海推排庶可齊

漢武故事

漢宮寵邢尹隔別不相親一朝尹自請帝爲飾  
他嬪尹笑定非是不足當人君令邢獨身來故  
衣無飾新尹卽低首啼

人人宮皆言

美絕幸自有真當由得意後爲是故殊倫

讀張敞傳

長安多倫兒數輩老爲酋居家皆溫厚出從僮  
僕遊遂有長者名閭里咸見優小倫時轉輸酋  
長日優游安知盡看人一朝來見收

相如二首

相如美詞賦氣俠殊續紛汶山鳳凰下琴心誰

詩

二卷 八



獨聞陽昌與成都貴賤豈足分子虛乃同時飄  
然氣凌雲臥托文園終不受世訾氛清暉緬難  
竟遺書封禪文知音偶一時千載爲欣欣上有  
漢武皇下有卓文君

令君有嚴客臨叩自清光王孫爾何爲衆賓臨  
高堂足可富蹲鴟安知窮鳳凰幸然有好女琴  
心能見傷我眉揚遠山芙蓉留薄裝一身猶可

分誰能殤夜亡如何挂纓女亦學橫在床此心  
當語誰此意難自忘兩好不終棲遺文來見將  
但惜相如死誰念文君狂

京鷄

濶哉天地籠壯矣京城鷄擇肉人手中齟齬製  
光耀積貫始成常見童好驚叫風穴鳥王深安  
知夜吟嘯

部中鶴

曲臺雙白鶴日賦十餐錢良爲升合資留滯江  
海年傳呼卿出入引吭飛舞前軒墀看鶴人時  
與小翩翹鳳凰猶可飼安得羽中僊

錦衣鳥

太常東署門連垣接親衛中有怪大鳥好作犬  
號吠悲嘯無時徙吉凶湏意對非有伯勞沉豈

無子規處關天殺人處陰風覺沉昧

茶馬

秦晉有茶賈楚蜀多茶旗金城洮河間行引正  
參差繡衣來漢中烘作相追隨以篋計分率半  
爲軍國資番馬直三十酬篋二十餘配軍與分  
後所望蕃其駒月餘馬百錢豈不足青芻奈何  
令倒死在者不能趨倒死亦不聞軍吏相爲漁

黑茶一何美羗馬一何殊有此不珍惜倉卒非  
長驅健兒猶餓死安知我馬徂羗馬與黃茶胡  
馬求金珠羗馬有權奇胡馬皆駘駘胡強掠我  
羗不與兵驅除羗馬亦不來胡馬當何如

胡克遜

人言西北邊有獸名爲遜性不喜獸聞遠巡解  
其困獵者知如此設罽日馴近相愁來解紛陰

遭此人刃食肉寢其皮似貉花文嫩西州貴將  
吏茵褥厚常寸萬萬笑何憫猩猩啼莫恨此獸  
仁有禮錯莫身爲殉世有麒麟皮爲輓復何問  
宿洛日亭因出小浪望海

爲郎傷星紀江湖常久居倏忽過南海扁舟挂  
扶胥隱隱岸門青杳杳天池虛培塿澹凌歷氣  
脉流紆徐潮迴小洲渚龍鱗動清渠於中藏小

舟其外懸日車雲影蒼梧來咸池相卷舒孟冬  
猶星河淡月沾人裾陰湯盪揮霍精色隱踟蹰  
濯足章丘餘沐髮扶桑初濤輝臨洺盤若木鮮  
芙蓉西顧連崦嵫東眺極扶餘小浪亦莞爾大  
波始愁予嶼舶自吞吐樓櫓成煙墟飛金山燄  
火明珠落鯨魚吾生非賈胡萬里握靈精曉靄  
羅浮外傳聞僊所廬玉樹如冬青瑤芝若橫樞

陽鳥不日浴晝夜更扶輿丹穴亦不炎好風常  
相嘘白水月之津一飲饑渴除徐聞汝僊尉去  
此將焉如

達奚司空立南海王廟門外

司空暹羅人面手黑如漆華風一來觀登觀稍  
遊逸戲向扶胥口樹兩波羅密欲表身後奇願  
此得成實樹畢顧歸舟冥然忽相失虎門亦不



遠決撇去何疾身家隔胡漢孤生長此畢猶復  
盼舟影左手翳西日噴匈帶中裂嘲隴氣噴溢  
立死不甯僵目如望家室塑手一何似光景時  
時出墟人遙香火陰風吹崢嶸上有南海王長  
此波臣秩幽情自相附遊覓知幾驛至今波羅  
樹依依雨縈密波聲林影外簷廊咽蕭瑟

衙岡登羅浮夜至朱明觀

炎方已中冬氛氲煦南畧名山紛我思隔絕遊  
未擬江海亦何意謫居欣在此沿廻石灣岍紆  
舟水南止果得羅浮狀坡陀蘊靈詭初行坦襟  
帶平岡十餘里稍入向疇隧夜雨冷山水木末  
已寒蒙草根半沮履嶽嶇豈忘嘆念此孤遊始  
絲延遠煙外片赤殘陽裏不見飛雲末但覺飛  
雲美矯若龍影升細若鑪香起朱明洞口才

葉紛旖旎路黑愁棲禽號林隱蒼兕襟袖石門  
間餘霞青徙倚

陽江道中

恩春少佳樹向北梅花夕入門問小吏知是蓮  
塘驛蓮葉落已久林塘映非昔參星到庭戶素  
月沾簷隙促織猶在野無衣念行役炎州少冰  
雪流光去無迹惟餘千里心間房眷幽客

禪柳園

熒熒煙海深日照無枝林含胎細花出繁霜清  
夏沉千林蔭高暑羽扇秋蕭森上有垂房子離  
離隱飛禽露乳青圓滋霜盒紅熟禁墮地雨漿  
裂燈梯搖遠陰落爪瑩膚理着齒寒侵尋風味  
自所了微醺何不任徘徊贈珍惜消此瘴鄉心

讀延庚樓詩有懷

并序

臥冰橋李叟示其父所遊知名士往還詩草  
成帙吳太守鉞詩最多其詩與字俱有法能  
成其家章衮樂護陳九川徐子弼不如也吳  
公有廷庶樓士大夫歌嘯其上樓甚高廣今  
爲他姓有書畫無存而李叟獨念其父所執  
珍襲持護模榻整綴使後之人知百餘年間  
臨川猶有唐晉人風尙不至以孔方兄驅除

子墨客卿也悲夫吳公爲名御史太守稱雄  
豪當其時視李生貧老人耳過之酣喋不問  
晴雨豈不謂於李生光重乎而卒之其字與  
文李生之子反能惜而存之其親子孫至不  
能存其一樓也歸其帙而重之詩

吳守樓黃橘卒生宿青郊晴時五馬來春漿布  
闌肴好鳥無遷校幽鳴常交交愁霖唱秋水深

杯對堂坳字矯若龍旋詩飄如翠捎置之吳市中  
生綃泣潛蛟延庚發光響高樓凌飛颺惜哉  
今則誰看書綃已拋李生子猶存鈿軸明鰓膠  
爛熳古痕色影映相關抄翁沓錦雲連迸裂珠  
泉跑安得携此卷登樓向星匏始知富貴兒不  
如貧賤交君看古名迹常得照蓬茅

吾廬

大父直書詩大母愛林池嘉魚薦君子嘉樹引  
其藁藁書條以火林藻積披離十載居無常辛  
勤嚴幽慈連石構川崎鑿翠啟堂基四阿長中  
繩三門映重規文昌通舊觀東井飲餘暉出入  
橋梁埜鬱葱佳氣微層臺對金玉隈阡隱靈芝  
吾廬亦可愛復此倦遊時

龍沙宴作贈王翼卿大憲

詩



四明山海姿公才發葱蒨英英霞表雲耿耿巖  
際電都水從以清太府政猶擅遂秉北垣法一  
視南洲彥道豈青矜闕風從蘭茝變文章旣在  
茲典刑復誰先趨風大憲府就日禪林燕大雅  
揚濁清深心及疵賤江遠暮帆急坐寂流鶯轉  
恒沙虛鑄微定沼空明絃真風良可挹沉憂苦  
難遣看君凌霄骨流光開富縣西笑及斜陽長

安安可見

題李伯東觀察玉嶺咏竹詩後

君家佳兄弟風義雅相熟  
列宿懸高天相望限  
川陸清霜炎嶺外  
石門泉氣肅扶搖  
江以西過  
我棲靈谷堂  
流雅歌韻路  
與椒蘭馥  
駟馬芝城  
來一飯鍾陵宿  
玉嶺夜生白  
翰墨冷修竹  
輕稍  
點染後  
煙臯坐如沐  
以君雲漢心  
澹我瀟湘目

從張相國桃花嶺敬次入韻

昔聞桃花源今見桃花嶺安知出世心居然妙  
者靜山川動凌歷攝應在俄頃石室搖天牕花  
宮注靈丹心隨雲壑遠色與江霞靚咲拍洪厓  
肩步駐鸞簫影逶迤黃綺事眷戀空明景問道  
此何時汾陽氣方永

書鵜笠卷示沙彌脩問三懷

年年長干遊日日長干寺臺殿有風神園囿各  
清異活水新茶出午鍾香飯至苗哉三住持覺  
我瘦慚愧遺恨窄波毀江山缺臨視休官熱惱  
路別酒清涼地座有三懷咲聊爲一舒臂忽忽  
十年外塵集老身器恨未發心猛何得究竟智  
逢僧劣俱養見佛長悲淚念與紫柏師獨受雨  
花記人亡少方便事往多零悴但見長干僧動

我長千意蕊，荔汝何來清標語。柔致自言有生  
役從師遠江市，航頭白團扇曲中紫。檀墜白團  
奉清暑，諸香與行。厠軸卷如長雲上，有瓢笠字  
有瓢不乞食，有笠不沾髻。不淨瑣，鰲中那取蘇  
合。施傳聞塔新湧，報恩燈復熾。豈非收勝業，未  
是奇特事。東歸見耆宿，問我心何寄。經典欲無  
學，歌舞時作技。嘗參道林道，難忘誌公誌。昨夢

與懷人同乘鹿車戲

答藍翰卿莆中 有序

立秋周仲先明府過此而後括蒼生棗榦至  
始得翰卿所贄詩草并良書千言情詩三首  
循之與博精麗遶岳不足爲其峭深屨市不  
足爲其光怪昔人覩靈光而罷賦讀雌霓而  
則衡異時翰卿以之矣如云名踪安可窮去

去勿復辭不愁久行惻寧無衰歇情誰令志  
不舍長與古今愁高煙白日寒千秋長不虧  
游媚性所拙慙悲寧可裁鑒已固已老狗物  
亦難任勞思不能寐感物愁逾昨憤切怨幽  
當令嵇謝掩泣夢賦色古味雋不無微長之  
累如云或浮獻其逝識或浪效其昧姿或貌  
常而道故或傳駭而理遺此語在鬼神中大

石響象至云傲無垠之大儀選自然之微理  
悟返出門之車妙湛受輪之器可謂能言獨  
詣如此退居弟子誰是先醒使人慚愧雖然  
必有以報九日一問龍沙取道麻源可也因  
而成詩感翰音之遠聞效同明之一照耳

五十今有餘百歲苦無一榮華悵後雕朋儕感  
先驅初傷文賦情久臥煙霞疾所期動蒼莽此



意成蕭瑟不謂嶺海內乃有淵雲出玉瘞悲秋  
九枚壯觀濤七勢與觚稜厲風兼羽陵逸靈光  
幾以存蛟珠淚猶溢逕行有生慮情來無竭筆  
瑤遠慚空虛才艱懼超軼桑陰殊未語蘭期恐  
相失爲恭或師友謬引真隣匹我家銅陵下寒  
煙生桂橘麻源動清淺沙城淨微密有客時過  
門無人相入室笙歌慢亭外登高共雲日離居

意鄉國士裁得以鄉國士相友或未敢輿論  
天下之士常偶一憤憤欲出於其鄉承下風  
於四方之殊才而號賤已久羸蹶日增行路  
之難今世爲甚安得四出而望見其人其人  
又安肯坐而爲基寧者基府君至忽授以山  
陰孝廉陸君啟良言大雅之厚爛焉千言引  
重過至猝而受之惶愧泚汗已復驚喜自疑

豈天下士而亦可以一鄉之士友耶遊未能  
出其鄉而天下士乃肯爲我先而至者古誠  
有之何以得此於今此君蓋有意乎古人非  
今人之爲文而已者譚文家之病皆非有餘  
而于不足然矣愚而陰不足于陽韻而陽不  
足于陰自唐四傑後卒以不足病無有餘者  
至于文之質生而已成虎豹之皮虹霞之色

不借質于犬羊羶曠必矣陸君體能文之質  
了然于後人之所不足必曠然于前人之所  
有餘誠從下風得時窺制作用以發舒衰羸  
之思畢矣赤水珠亡京山壁在陸君勉之

幼志在詩書吟咀不去口辨稍窺文賦名已出  
戶牖坐此實空虛學殖未能久文家雖小技目  
中誰大手何李色枯薄餘子定安有國初聞目

月龍門實維斗魚珠取何泣  
五絲足于嚙有大  
聊可觀無徵亦當醜  
滄如星漢垂纏若煙波  
天機常內斡神明非外  
守翁忽動生氣鮮芳綴  
微猷此中誠獨知  
衰齡半百九行嘆  
昔人先常思我躬  
後不謂崑山姿  
千里漏瓊玖興  
激山河親意懷  
風雲受孝秀始  
無前羸悴有相  
友長艸也乘化  
雲柱欲稱叟念  
此發悲涕何時  
一杯酒

托契良在茲深心延不朽見子成大名江湖方  
矯首

耆兒之秣陵懷永慶寺真空并傷遽見也  
誰兼悲與智真空起弘誓隱映謝公墩潤契人  
間世頭陀雲影外有珠在其髻亡子舊抽衣原  
懸此兄弟淺深香飯色去住禪枝蔽遠以愛子  
托承藉通慈衛腸斷寄江波深心與流涕

念大耋久秣陵訊王翼父堪汪生繼曾

無復倚閭婦衡門翳衰柳孰是在原人相憐不  
相守獨身千里外薄命無好醜雖爲縣長兒饑  
寒在身口况乃客單外僮僕安可久言之痛肝  
肺道遠莫奔禿賴有遲歸信誰念速貧朽王翁  
舊師傳汪生近昆友提誨動勤斯飲食復肯有  
愛子得依仁因風愧瓊玖

清遠樓送平昌葉梧弟幹太學上都

門有千里客十年纔一晤  
長跼未終揖白髮猶  
相覩蒼匆定寒旭造次及盤筯  
周咨吏民故廻  
詳涉生慮淹駕坐清遠貧病日高倨  
雨漱寒泉  
波風動枯槁據疑析動今古  
宴笑連昏曙河梁  
歎來深賄車良已遽起嘆歸雲疾時看倦鳥翥  
此中不欲久羈棲復何處覆瓿子雲宅擲筆金



門署涼風卷絺綌遠道理衣絮有美能不懷無  
勢得相御風煙一時集氣色兩家與且醉勿復  
談明朝送君去

生日詩戲劉君東

有序

余五十歲大張樂坐賓筵者十餘日而東君  
乃云度六十避客不出何遽不出耶云病足  
不能答拜能止客無拜耶明年七月予更當

過餘■爲君東瀟六十因其婿王生試歸且  
古誼之

瀟月與試周開堂抱見客將養至六十反覆自  
羞齒爭先立嚴誓子婿動呵斥至期坐深隱如  
賊恐人得吾聞欲益紀生辰人不識既識復行  
避掩耳亦何益妄云妨拜起不令坐飲食厚積  
不爲樂餘糧亦可惜憶我五十時張樂度廣席

鍾鼓何嗵嗵賓從殊蟄蟄所獻卽同啖有拜但  
勿揖謹祝若雷震看者如仙集半百已云樂況  
此六其十六十何足避一萬四千日生辰聊爾  
爲昔人日鼓瑟

喜小江饒翁榛六十

中春步遲日南榮望東里何意竹林塘乃有隱  
君子結根旣喬木成蹊自桃李寬兮長者容樸

爾先民軌屈色少冠蓋醉語或玄史時因采藥  
行每聽吟詩喜榮枯四十載吳越三千里過從  
常日夕留連在山水靄靄春洲紅曄曄秋山紫  
樂郊多種樹清曠時隱几物知肥遯貴道以觀  
頤美方爲少者期舍哺老人子

送余成輔歸清流成輔遠遊求應世之技  
而好語清狂勉之

詩

客從臨江來長流氣清穩登躋古人事行色千里  
遠念子來何遲吾生倏已晚采秀違春蹊寒  
蘭及秋斲淅淅草虫嘆幽幽白雲返風霜遊子  
衣蒲稗客中飯晤言深贈策時清動懷卷雅志  
在山上無爲慕嵇阮

平昌懷余生禁中州并懷朱川晦

生德甫公子也

池上久蕭索遲江通竹門刺促浮名子風塵誰

見奔恍今中有精妙者竟何論環轍聖所失端  
居凡所存如竹隱深竹靜嘿無世喧寒色亦已  
遠雅意在丹元斗西故王孫逝者悲靈根傳君  
適嵩岳爾爲笙鶴言

陸元白岳伯宴作

長安曾滿堂良傳秀瞻躅風神傾一座微言謝  
氛俗揖別知不忍托交心所欲搖落三千載舉

見黃鵠被垣限清切鍾球未可觸乃知君子  
心風義一何篤樓觀動蒼遠巾帶時一束夜寒  
風雨深涓涓注醺醺其政則米鹽其心則冰玉  
坐惜懽時晚起嘆更籌促感君清以疑將歸調  
玉燭我觀不可常何由奏心曲

贈舊時守吳淞張伯常觀察并懷想公時

可

昔候神姥非常眠  
簫曲峰鷄犬天中鳴  
煙崖雲外春良哉  
二千石煙膏盈四封  
一葦臨川城迺回  
安可從春風吹豫章  
燕眺永清客授以華亭  
篇披謠生微惊素若月  
窺篠簕如露滴松江靜  
散霞綺巖虛山雲重  
寂寥僧磬聞時一聞歌鍾  
馮公括蒼時揮灑興何濃  
淡迹到黔越開心見  
吳淞長吟滄海間雲中成二龍



方鍾岳叅伯宴作

虛薄南都時未常感撫挹  
戔戔清佩間揚未若  
山立攬轡靜江海周咨遍  
原隰新安雲卧久起  
滯風雷濕川嶺道路長澤  
國風繇習吏隨衡藻  
浮戶覺菲蒲戢貂珥無殘  
木鼠雀有餘粒復此  
鎮南洲下榻禮逾及把酒  
臨江樓江春去何急  
遠岸歸漁煖晴雲動喧蟄  
薄俗理難定薇垣法

瀕執函谷有鶯求中臺候君入

平昌射堂再葺喜謝掌故烏程孫見玄先生

繫予爲射堂精華氣相迫列宿互環互三垣炯  
可摘時來風候清如鏡月巖隙宮牆及諸子樓  
觀滿六籍空知朋好求誰爲我躬惜猗與孫夫  
予三嘆撫陳迹攄精動維斗次創開震澤章甫

越人路絲竹靈光宅相於弦誦晨晤彼文尊夕  
同人習坤靜大壯晞乾闥井逕虹蜺生戶牖颯  
雲積徒川感斯文無因佐于役戢戢魯諸生何  
時射鄒嶧

東作懷周縣貞明府南出

達人貴濟世知音常苦稀陶潛覺今是遽瑗悟  
昔非鯁云息交樂終悲懷卷遶蘭陵賦雲物郊

千春嶺旂我有良友人  
傾筐竹前輝氣茂神理  
清襟虛言咲微心賞  
暫所悅日成良可聯  
握別動盈歲從遊霜雪  
霏燈燭醉餘寒蒸熱  
飢朝饑鸞鶴從西來  
山水當鳴徽聊爲朝夕  
言忘吾天壤機歲晏  
難久淹車馬送言歸  
歸來車中春明事遠  
荆扉野雉旣登隴黃  
鳥復飛飛板潔方及  
辰臨流振初衣爲問  
神明宰南州誰見依

上巳前一日永寧寺同許中藍翰卿宗侯  
彭儀孔陽孝廉鄧大素

發春如有期扁舟一遊此孤生寡倚寓禪寂  
傍止何意風雨稠坐見春華駛殿舍鍾磬濕  
戶漬琴書委不言良已深覘蹊遲桃李所思  
猶未遠寒洲泥蘭芷同聲百年內朱門二三  
子零落在茲辰留連及芳茵念往夕無寐欣  
來動有以

交新謝輪鞅道舊延簪履松門留一壺海客談  
千里未覺風雅頻乍墮衣裳起高花動寒色木  
蘭漾清美閒軒邈誰似遠道嗟何已物感陰晴  
候人疑盛衰理龍沙往猶滯簫峰上難擬且就  
樽聞醉將妨語言綺東園希茂樹泛羽怪流水  
所幸無俗物吳謳稍清耳蕭條隨曲終局促非  
願始上已卽晨遊明湖恣清泚

西塘莊池上懷大父作

大酉西南來林塘竹深仰一區常自存百年人  
獨往清癯自古色行藏眷幽想隱几松篁韻高  
歌鸞鶴響琴書久寥寂桑麻歲茲長風霜喬木  
陰雨露丘園恰伏臘記舊舊天水遺真賞三嘆  
遠青歸千秋發靈爽

送別駕胡用光年兄歸養

遲將亦有情微文恰相中蹇反幾何時迤邐兩  
迎送其苦中年別况重秋悲動號蟲悽近戶語  
燕飛辭棟期爲二岳賞相拈九華弄發興自希  
有倦遊兼屢空僻居難任書識路睇來夢心傷  
同籍稀耳側風謠衆豈不避鷹鷂終知惜鷺鳳

各鄉愚公毘陵秋約二首

少壯亦如人逶迤成白首終焉世情外知交復



何有忽忽遠書至惠我老瓊玖帶鉤冰蒼碧晶  
暉瑩人于小景縟懷袖長圖漲軒牖經營位置  
清拂梓煙雲厚遠意勁只尺念此盤薄久雙詩  
氣色重契濶有善誘期我絲竹間微言坐深酒  
鄴燕久爲物樓卧復知某旣感新知樂肯負雲  
外友春暉白露月發興秋水後垂老適江湖高  
歌傷南斗

脫畧山海嶒沆發煙林倩未覺吾生後常思昔  
人先東吳不可致眷此愚公彥平生一字許寸  
心千里見蹇予幼多病及老傷疵賤文情動孤  
引著作終誰擅滔蕩自諧曲何悟傳清宴通不  
碍名理幽將入禪變伎隨老師作梵禪流音轉  
野興江雲秋蕭條思會面會面亦何常百年心  
所遣

題帥淑人像卷爲陳侍御公子常州通守

淳卿作

涼風吹北門致敬來鄉縣柱下始長生堂中悲  
聖善杯捲飲餘芬翟衣如可見庶連粉櫚親尚  
闕蘋蘩薦桂枝滯朝陽棘心未維霑方此繫朝  
纓猶憐故衣線

題劉季允先人吏部諱竹詞卷

劉生竹馬年高堂源文詞意取激清遠側竹臨  
霜凝就中筆則筆墨滄思有餘靡瞻十年所珍  
重若蘭書一朝發經笥跪讀淚漣如孝笋已成  
班青箱望猶虛薄技何足永手澤良在茲俛紉  
爛爲妾喫咽趨庭時吉色耿毫末縹緗盈淥漪  
撫迹起千念托素在一微昔春含香澤今承防  
露稀足示狂馳子父書藥如遺徒傷生者意逝

者亦何爲

王宇泰索周雲淵遺書檢寄

周生亦玄史專門在窺天知星苦無覆靈龜常  
不全自解周憚術相遺神道編謂余夙深慧括  
顧志食眠余乏煙膏眼仍愁風露年罷筴等亡  
羊懷書猶在笮何因過王子精思入雲淵絕學  
從所好顧箱爲致船玄文今已矣妙者庶當傳

平昌遂何真白歸江山石片

何翁曉江山人壯年勇任俠常手殺劫賊數  
人以他故爲縣官所侮憤恨去道遇商客口  
授禁方曉不甚識字重聽而視脣傳藥輒效  
乃更爲縣主客褒衣危冠侍藥平昌與予朝  
夕者五年成美規闕都無一語及私教然長  
者也予聽獄或咎囚過當輒意授曉視之無

恙而後卽安民或鬪毆相殺傷赴庭下輒先  
付曉謹護之而徐聽其訟亭中有繫人常與  
錢曉貸其藥以故五年中縣無鬪傷笞繫而  
死者縣中人莫知也縣無城嘗夜半虎傷童  
子急呼予予起燎逐虎召曉取巨勝膏漬墻  
茨中醵五襍藥灌童子愈時有十全之名予  
問之曰曉何能盡然不全者不治耳數語予

公廉而倨寬而疎其富人其勢人當爲亂已  
而果然曉常用爲介介嘆曰縣人何薄福相  
耶曉初無子故不治生產歲焚藥券者過半  
晚生子數歲思歸江山而予亦且上戊戌計  
去不能留也一縣中間曉去無不遮泣願少  
留者至吏卒因伍戚爲慘然予悲而餞以詩  
曉後一過尋家老矣猶從使琉球治其王子



婦女應手效國人神之得其海藥以歸市之  
吳吳中士大夫多授其方焉

市隱今無人江山有東白小壯類豪漫老大務  
敦樸偶回救世心一試懸壺迹雖少隔垣耳能  
知數歲脉賣藥常以施問病毋如噴有奇復深  
穩無厭音調適腰脆謝車馬婆娑赴朝夕典衣  
時爲人解紛翻借客出入在府寺談笑賤金璧

洞戶無可猜通都相莫逆口語無人損心事有  
天益倉公乃生男扁鵲不受刺忽忽動歸思移  
家藉泉石嫗孺走遮挽貧病轉愁劇暫爲來去  
期終以江山隔五年予慙茲朝集限于役遠愧  
全活手去爲人愛惜羽翼何以報用鵬在所積  
昌溪春餘想遲汝一廻展重來不在茲停雲望

歸寫

詩

二卷

五

五  
名  
集